

17 октября 1938 ар № 93 (558)

8-тй АРЗЭ ПОТЭ.

Дуны: толэзылы 50 коп.

1 номерэзлэн дуныз 5 коп.

Бидэс дуннеысь пролетар'ёс, огазёяське!

# УДАРНИК

ВКП(б)-лэн М-Пурга Райкомез-

лэн но Райсполкомлэн

органзы

—(АДРЕС: М-Пурга УАССР)—

## Государстволы качественной етйн мертчан сётоно

Государстволы етйн мертчан сдэвать карон планэз быдэстон—вань сельсовет председательёслэн, колхоз председательёслэн но етйн звеноен кивалтисёслэн основной задачаенызы луэ. Районысь тросэз колхоз'ёс государстволы качественной етйн мертчан сётыны кутскны ни.

М-Пургинской районлэн етйн складаз нырысь ик етйн мертчан поступать кариз К-Демьянской сельсоветысь „Виль гурт“ колхозлэн. Та колхозын етйн звеноен кивалтэ Симакова Евдокия Тимофеевна, Удмуртской АССР-лэн Верховной Советэзлэн депутатэз. Симакова эшлэн звеноысытыз ужась колхозник'ёс но колхозницаос шум потыса ужало,—соос государстволы качественной но выль номерен етйн мертчан сдэвать карон понна нуналмысь сюлмаськонзэс проявлять каро.

Удмуртской АССР-ысь СНК-лэн 21 августэ постановлениез'я етйнэз переработать карыны серьёзной внимание обращать каремын луны кулэ. Асьме районысьтымы вань колхоз'ёс ик етйнэз жутыло ни, озыы бере, та уже етйн звеноосты закрепить карыса, удалтэм етйнэз качественно но выль номерен сдэвать карыны выльысь кутсконо.

Каждой колхоз но единоличной хозяйство аслаз контрактационной договорез'я, етйн кидыс но етйн мертчан сдэвать карон планэз мултэсэн быдэстыны нюр'ясконо, та ужез быдэстыса, асьмеос колхозмес юнматом хозяйственной, нош колхозник'ёслэсь улэмзэс культурно-зажиточной. Выль верам „Виль

гурт“ колхозлэн етйн звеноезлэсь примерэз басытыса, тросэз колхоз'ёс етйн мертчан сдэвать карыны кутскизы ни. М-Пургинской сельсоветысь „Дружный“ но Буденныйлэн нимыныз нимама колхоз'ёс.

Али та дыре ваньмызлэн ик колхоз'ёслэн льносушилкаоссы, льномьяльной но трепальной цех'ёссы дась луыны кулэ ни, етйн звеноон ужасьёс асьсэ ужан интыязы шум потыса мед мынозы.

Вань сыче колхоз'ёс, куд'ёсыз та ужез быдэсяны оз на кутске. Кечурской сельсоветысь „Красный май“ колхоз, етйн мертчан сдэвать карыны кутсконозэ, льносушилказэ ремонтировать карон борды но оз на кутски. Укноослэн стеклооссы өвёл, урно улын кылем арын етйн сэтэмлэн жагез отын ик улэ, етйнэз переработать карон машинаосты тупат'ян сярись нокин но малпась өвёл, етйнэз переработать карыны план но график өвёл.

12 октябре М-Пурга райзоын льноволокноез сортировать карыны курс организовать каремын вал, нош та колхозлэн председателез Давкова, та ужлы ноқыче но внимание обращать карытэк, курсэ адыми оз лэзы. Таچه ик уж М-Пургинской сельсоветысь „1-й май“ колхозын но.

Государстволы качественной но выль номерен етйн мертчан сдэвать карон понна, нуналлы быдэсюлмаськоно. Звеноос кустын соц. соревнованиез возглавить кароно. Колхоз'ёслэн правлениоссылы етйн звеноослэн скуремзылы эшшо но сюлмаськоно.

## Кын улэ гыронэн бере кылё

Н-Бурановской сельсоветысь колхоз'ёс вуоно арын выль урожай басытон понна уг сюлмасько. Сельсовет'я кын улэ гыронлэн планэз—1383 гектар, гыремын—255 гектар гинэ. Процентэн вераса—18 процентлы гинэ тырмытэмын. Стаханово колхозлэн—300 гектар гыроно, гыремын туж өжыт али.

К-Демьянской сельсоветысь „Кизили“ колхозын но таچه ик уж. Та колхозын кын улэ гыронлэн планэз—515 гектар, гыремын—10 гектар гинэ. Нош кутсасыкон борды кутскемын ик өвёл на. Вань та выль верам уж'ёс возматом, колхоз но сельсовет председателёслэсь безответственностьсэс. Кын улэ гыронэз но кутсасыконзэ быдтыны кулэ вал ни, нош колхоз'ёслэн председателёссы та уж борды по большевистски оз кутске.

Дородов, Калистратов.

## Октябрьской революцилэсь XXI ар тырмон годовщиназэ планмес мултэсэн быдэстыса пумиталом

Асьме странаысь вань ужасьёс но стахановец'эс предоктябрьской соц. чашатскозэ пырыськыса, нормаоссэ мултэсэн быдэсяло но производительностьсэс эшшо но вылье жуто. Азымыныса ужась стахановец'ёслэсь ужан опыт'ёссыс басытыса, асьме районысь но тросэз колхоз'ёслэн фермаоссылэн заведующийёсы предоктябрьско соцчашатскозэ пырыськыса асьсэ выль обязательствоос басыла.

Сречне-Кечевской сельсоветысь Ленинлэн нимыныз нимама колхозлэн фермаезлэн заведующиез Фофанов, Аксакшурской сельсоветысь „Удмурт Коммуна“ колхозлэн фермаезлэн заведующиез Пискунова, та сельсоветысь ик „Кутер кутон“ колхозлэн фермаезлэн заведующиез Макаров, государстволы йёл тырон планэс вакчи дырын быдэстызы. П.

## ПАРТИЙНОЙ УЛОН

## ВКП(б)-лэн Историелэсь Краткой курсэз изучать карон понна кружок'ёс

Коммунист'ёс, сочувствующийёс, комсомолец'ёс но беспартийной актив'ёс полын, озыы ик каждойзэ ВКП(б)-лэн Историелэн Краткой курсэныз тодматскытон цонна, ВКП(б)-лэн райкомез дасыськон ужзэ йылпум'яз ни.

ВКП(б)-лэн Историелэсь Краткой курсэз дышетскыны понна—22 кружок кылдытэмын. Политграмотаен „Наша родина“ книга дышетскыны—47 кружок кылдытэмын. ВКП(б)-лэн райкомез, районной но комсомольской актив польсы та школаосы ужаны 67 мурт пропагандистэ юнмат'яз.

ВКП(б)-лэн Историелэсь Краткой курсэз изучать карыны кутскиз партактив'ёслэн кружоксы, та кружокын дышетскизы первичной парторганизациослэн пропа-

гандист'ёссы, нырысь занятие ортчытэмын 9-10-11 октябре. Кружокын ваньмыз—30 мурт дышетскизы. Та кружокен руководить но преподавать каре Удмуртской Обкомысь Фонарев эш.

ВКП(б)-лэн Историелэсь Краткой курсэз изучать карыны но организовать карем кружок'ёсын кивалтыны понна, ВКП(б)-лэн райкомез—3 семинар кылдытыз. Нырысь семинарын—24 мурт пропагандист'ёс кылзиськозы, куд'ёсыз руководить каро ВКП(б)-лэн Историелэн кружок'ёсынызы. 2-тй семинарын—13 комсомольской пропагандист'ёс но 3-тй семинарын—30 мурт. Таяз семинарын кылзиськозы—партийно-комсомольской но беспартийной актив'ёс польсы руководителёс.

Ф. Осокин.

## Вунэтэм комсомольской организациос

Советской Союзлэн вань сэрег'ёсысытыз егит калык'ёс Ленинско-сталинской комсомоллэн XX ар тырмон юбилеезы сйзбьса, соцсоревнованиез кужмо развивать каро. Родиналы—подаркаос дасыло но производственной программаоссэс мултэсэн быдэсяло.

Нош та важнейшой уж сярись „Шор муң“ колхозысь первичной комсомольской организация вунэт'яз. Комсомолец'ёс полын соц. соревнование возглавить каремын өвёл, та уж сярись одйг пол но с о б р а н и е ортчытэмын

өвёл. Комсомолец'ёслэн членской взнос'ёссы 3-4 толэзылы тыремын өвёл. Первичной организацилэн секретарез, Пестерев комсомольской организациез куашкат'яз, комсомольской организациез жутон понна нокин но сюлмаськысь өвёл. ВЛКСМ райкомысь ужасьёс, татыч дыр уг шедьто ветлыны. Таچه ик уж Буденныйлэн нимыныз нимама колхозын но комсомольской организациалэн ужез. Татысь комсомолец'ёс мунчоын пуктэн организовать карыса ветло.

И. Королев.

## Мар каре „Юж-Пурга“ колхозысь комсомольской организация

„Юж-Пурга“ колхозлэн первичной комсомольской организациезлэн секретарез М. Тубылов, аслаз ужаз бездействовать гинэ каре. Тубылов комсомолын витетй арзэ ужа ни, солэн вань ужан опытсэ выль пырысь комсомолец'ёслы с ё т ы н ы быгатэ, сётон интйе со комсомольской организациез куашкатон калэ вутт'яз.

Та организациын ваньмыз—7 комсомолец'ёс лыд'ясько, нош таос польсы тросэзлэн комсомольской билет'ёссы өвёл. Кылсярысь, А. Сметаниналэн М. Степановалэн но Н. Егоровлэн. Та выль верам

комсомолец'ёс, асьсэлэсь билет'ёссыс куд'яз ыштылызы но куд'ёсыз гуре сутылызы. Первичной комсомольской организацилэн секретарез Тубылов, таослэн билет'ёссы ышем но сутылэм сярисьтызы номер но уг куареты.

Та колхозын ик неграмотнойёсты но малограмотнойёсты дышетон сярись номер но конкретно уж лэстымтэ на. Тубыловез организовывать карыны косяськод ке, „мынам комсомольской уже тырос“ шуэ. ВЛКСМ райкомлы та ужез эскерыса, комсомолец'ёсын ужанэз умой пуктоно. Кузнецова.

## Колхозник'ёсын ляб руководить каре

Ср-Кечевской сельсоветысь Сталинлэн нимыныз нимама колхозлэн председателез Титов, вань хозяйственно-политической уж'ёсты самотеке лэзиз.

Государстволы нянь тырон, сйль тырон, картопка но мукет тырыськон'ёс самотеке лэземын. Та уж'ёс

сяна мукетыз но уж'ёс бере кылё. Култыбаевлэн бригадаяз кыжы турнан быдтэмын өвёл.

Та сельсоветысь ик „Юлтош“ колхозын но ю октон-калтон быдтэмын өвёл. Бугрышевлэн бригадаяз гречиха аран вань на.

Богданов.



# Великой октябрьской социалистической революции 21 ар тырмон эзлы дасяськон но сое ортчытон'я М-Пургинской районлэн П Л А Н Э З

Великой октябрьской социалистической революции 21 ар тырмон годовщинаез, Советской Союз пумитало: выль производственной жутсконэн, выльыко производственной показателёсын но стахановской рекорд'ёсын, массовой социалистической соревнованиез развертывать карыса.

Кемалась ик өвёл Советской Союзлэн народной парламентэзлэн заседаниез—СССР-лэн Верховной Советэзлэн кыктэтй Сексиез Всесоюзной сельскохозяйственной выставка сярысь закон принять кариз но сое утвердить кариз. Талэн основной задачаез со луэ, чтобы сельской хозяйстволэсь вань отрасл'ёссэ показать карон, Советской Союзлэн республикаосызлэн, крайёсызлэн но областёсызлэн сельскохозяйстволэсь, котькуд л сянь продемонстрировать кароз мошсьэ но богатствоэз.

Всесоюзной сельскохозяйственной выставка, сельской хозяйстволэсь выль басьтэм вормон'ёсты возматоз но Сталин эшлэсь лозунг'ёссэ „Вань колхоз'ёсты большевистской, нош колхозник'ёслэсь улэмзэс зажиточной кароно“ но „Та матысь 3-4 ар'ёсы страналы 7-8 миллиард пуд нянь сётоно“ лозунг'ёссэ ошче тивить карем результатэн луоз.

Советской Союз мирын единственной странаэн луэ, кудыз защищать каре мирлэсь делозэ. Нош Советской Союз капиталистической окружениын непреступной крепость кадь сылэ война карыны турттысьёслэн, провокатор'ёслэн, диверсант'ёслэн, шпион'ёслэн, контрреволюционной троцкистско-бухаринской бандоослэн ударзы выль ударен отражать каре.

Октябрьской революцилэсь годовщинаез достойно пумитан, сельсовет председателёслэсь, колхоз председателёслэсь но районной центрысь вань организациослэн дасяськемзы бордысь зависеть кароз. Сельскохозяйственной уж'ёсты дырызлэсь азьло быдэстыса, стахановской движениез развертывать карыса гинэ, та славной годовщинаез умой пумитаны быгатом.

Великой октябрьской социалистической революции 21 ар тырмон годовщинаез ортчытон понна, районной комиссия колхоз'ёсты, сельсовет'ёсты, организациосты, предприятиясты но МТС-ёсты, та же мероприятиясты ортчытыны предлагать каре:

1. Великой октябрьской революцилэсь 21 ар тырмон годовщинаез ортчытон понна, партийно-комсомольской, советской но профсоюзной организациослэн представи-

тельёсынызы комиссия создать кароно. Тае провести карон понна ответственнойёсыз—сельсовет'ёслэн председателёсы, предприятиослэн совхоз'ёслэн но МТС-ёслэн руководителёсы.

2. 17 октябрыз, октябрьской революции 21 ар тырмон годовщинаезлы дасяськон'я конкретной план'ёс составить карыса районной комиссии утвердить карыны лэзёно ответнойёс—комиссиослэн председателёсы.

3. 19—22 октябрыз, сельсовет'ёсын, колхоз'ёсын, бригадоосын но звеноосын содоговор'ёслэн быдэсметзы сярысь взаимнопроверка ортчытоно. Кын улэ тырмонлэсь, кутсаьсконлэсь, етын мертчан сдавать каронлэсь, хлебопоставкалэсь, мясоставкалэсь но мукет тырыськон'ёслэсь план'ёссэ тырмытыны понна, предоктябрьской соцшошатконэ тырыськоно, ответственнойёсыз—сельсовет но колхоз председателёс, МТС-лэн, совхоз'ёслэн, предприятиослэн руководителёсы.

4. 17 октябрыз, вань профсоюзной организациосын собраниос ортчытоно, октябрьской торжестволы дасяськон но предоктябрьской соцсоревнованиез развертывать карон сярысь, ответственнойёс-местком'ёслэн председателёсы.

5. 1 ноябрысн 4 ноябрыз, колхоз'ёсын, сельсовет'ёсын но предприятиосын политдень ортчытоно та же темаен: 1. Кызы совершить ся кариськиз октябрьской революция? 2. СССР-лэн международно но внутренней пол о ж е н и е з? 3. СССР-ын социализмлэн vormemez но мукет уж'ёс сярысь, ответственнойёсыз—сельсовет'ёслэн председателёсы но первичной парторганизациослэн руководителёсы.

6. Октябрьской торжествоез ортчытыны понна, озы ик сельсовет'ёсын колхоз'ёсын политдень ортчытыны практической юрттэт сётыны, районной центрысь 25 муртэ командировать кароно. Ответственнойёз—Бечегов.

7. Клуб'ёсын, изба-читальняосын но мукет культурной учреждениосын самодетельной кружок'ёс организовать карыса, выступлениос организовать кароно. Ответственнойёсыз—Мерзляков но Блинков.

8. 21 октябрыз каждой сельсоветын егит'ёсын конференциос ортчытоно та же тема: „Сталинской Конституция но Советской молодежь“, та сяна ВЛКСМ-лэн XX ар тырмон юбилеез сярысь. Ответственнойёз—сельсовет'ёс но РК ВЛКСМ-лэн секретарез Наговицын.

9. Школаосын но Осоавиахимлэн первичной организациосаз БГТО, ГТО, ПВХО но Ворошиловской значок'ёслы массовой нормаос сдавать карон организовать кароно,—ответственнойёсыз—Муравьев, Климов но Николаев.

10. Добровольной обществоослэн ОАХ, МОПР, СВБ но РОК но мукет сыче организациосты восстановить кароно но соослэсь ужзэс умой пунктоно, ответственнойёсыз—сельсовет'ёслэн председателёсы но добровольной обществоослэн первичной организациослэн секретарёсы.

11. Сельсоветын но РДК-ын стен газетаослы выставка организовать кароно, ответственнойёз—„Ударник“ газетлэн редакторез Иванов.

12. Урожай но коллективизация сялысь, 7 ноябрь азелы выставка организовать кароно.

13. 30 октябрыз, октябрьской торжество азелы портрет'ёс, плакат'ёс но горд материал'ёс дасяно, ответственнойёсыз—раймаг но сельпоослэн председателёсы.

14. Вань ульчаосын но площадьёсын 5 ноябрыз порядок привести но вань учреждениосты художественно оформить кароно,—ответственнойёсыз—вань учреждениослэн но организациослэн руководителёсы но сельсовет председателёс.

15. Социалистической собственности возман понна, вань организациосын ответственной адями вис'яса, предоктябрьской дежурство организовать кароно,—ответственнойёз Коньков.

16. 6 ноябре вань колхоз'ёсын но предприятиосын октябрьской революцилэн 21 ар тырмон годовщинаезлы сйзысь, торжественной заседаниос ортчыт'яно.

17. 7 ноябре вань колхоз'ёсын, озы ик райцентрын демонстрациос ортчытоно.

18. 6-7-8 ноябрьлэн жыт'ёсаз, художественной выступлениос но мукет культурной шудон'ёс ортчыт'яно,—ответственнойёсыз комиссиос но ЕЛКСМ-лэн первичной организациосыз.

19. 7 ноябре, октябрьской революцилэн 21 ар тырмон годовщинаезлы сйзысь, школаосысь дышеткисьёсын утренник ортчытоно,—ответственнойёсыз школаослэн директор'ёсы но заведующийёсы.

20. Гражданской войнаын участие в о в а т ь карем'ёсын беседаос но рассказ'ёс организовать кароно.

21. Торжественной заседанилэн нуналаз, стахановец'ёсты премировать кароно.

## Клеверлэсь доход

Гожнинской сельсоветысь „Каймашур“ колхоз туэ клеверлэсь синмаськымон урожай басьтйз. Ваньмыз клевер семенник—25 гектар вал, ваньзэ кутсам бере—65 центнер чебер кидыс басьтэмын.

Колхоз государственной планзэ но клевер кидыс кисьтонзэ тырмытэм бере, планзэ-лэсь мултэсэн государственнолы—52 центнер сдавать кариз коньдонэн ваньмыз басьтэмын—67600 манет.

Колхоз али вань вуж постройкикаоссэ сез'яса выльёссэ лэсьтэ, азьло басьтэм сельскохозяйственной машинаос сяна колхоз мукет сельскохозяйственной машинаос басья.

Колхозник'ёслэн улонзы нуналысь нуналэ шулдыр луэ, тросэз колхозник'ёс велосипед'ёс но патефон'ёс басьяло.

Калистратов.

## Месячникын ляб

### ужало

Ильинской сельсоветысь „Красный-Яр“ колхоз сюрес лэсьтон-лэсь планзэ 100 процент тырмытыны вылысь, нуналлы былэ 6 мурт ужаны кулэ, ужало 2-3 мурт гинэ.

Та колхозлэн сюрес лэсьтон-лэсь планзэ 1000 метр, нош участоклэн состоячиез туж урод, гравий нуллонлэн планзэ быдэстэмын өвёл. Майыг бышкан урод мынэ. Колхозлэн председателез Петров, сюрес ужез аслаз уженыз лыдзытэк, кыктэтй ужен лыдзэ. Та же ик уж „Красная звезда“ колхозын но. Асьсэ участоказы гравий ворттымтэ, сюрес урод состояниын.

п.

## Ответственность

### өвёлэн

Аксакшур сельсоветысь Кагановичлэн нимыныз нимама колхозлэн правлениез асьсэ-лэсь ответственностьсэс шөдытэк ужало. Бусыын кутсам ю отын ик кылле кылсярысь, көжы—75 центнер, чабей—75 центнер. Та ю сярысь нокин вераськись өвёл, сторож вис'ямын өвёл. Пожарной дружиналэн начальникез Айтуганов, караул'ёсты уг эскерылы.

Редактор—Г. М. ИВАНОВ.

Поттйсь РАИСПОЛКОМ

## Ялон'ёс

М-Пургинской сельсоветысь Баграш-бигра гуртысь колхозниклэн Федотовлэн 2 мбйы ыжез ышемын. Ныр-исез тоды но кыктэтйез сьод. Шедьтйсь мурт'ёслы Баграш-бигра гуртэ Федотовлы ивортоно.

„Юж-Пурга“ колхозысь колхозникалэн Александрова Елена Семеновналэн нимыныз РОМ НКВД-ен сётэм паспортэз ышемын. Зэмен лыд'яно өвёл ни.

## Фермаез будэтон понна уг скулмасько

Ильинской сельсоветысь „Красный яр“ колхозын МТФ 1932 арын организовать каремын. МТФ организовать карыны, татын—7 йыр скал вал. Организовать карем тырысь 6 ар ортчиз ни но, скал'ёслэн йырзы 6з на буды, колхозлэн правлениез, колхозник'ёслэсь кунян'ёссэс контрактировать карыны уг скулмаськы, колхозник'ёс кунян'ёссэс отчы но татчы быдто.

Колхозын—8 скалтэм хозяйствоос вань на, нош колхозлэн правлениез скалтэм кол-

хозник'ёсты скалэн обеспечить карон понна но кыче но скулмаськон проявить уг кары. Та колхоз скотной двор кемалась лэсьтыны кутскиз ни но туннэ но вуэмын өвёл.

Фермаысь скал'ёс, толзэ колхозник'ёслэн гид'ёсазы тол'ё. Скотной двор—61 йырлы лэсьтйське, татын умой-умой ужась юматэмын ке луысал, скотной двор кемалась вуэмын ни луысал. Ку меда колхозлэн правлениез, скалтэм колхозник'ёсты скалэн обеспечить кароз? М.

## Тракторист'ёс толалтэез возьмало

Кечур сельсоветысь „Путь к Социализму“ колхозэ Гожнинской МТС-лэн гусеничной тракторез леземын. Али со кык арня ужатэк сылэ ни, со понна, что тракторист'ёс тракторзылэсь пегаса ветло, ненокин скулмаськысь өвёл.

Тракторист'ёс муз'ем кын мемез возьмаса уло. Тракторист'ёслэсь урод ужамзэс МТС-лэн дирекциез уг эскеры.

Иванов.